

Oqaaseqaatit tamaginnut atuuttussat

-

Tamatumani pineqarpoq radiomik naalaarniarneq akornuserneqatsaaliniarlugu qanoq iliuseqartarnissanik inatsisartut inatsisissaat.

Radiomik naalaarniartarneq, tamatumani aamma ilagittinneqarlutik fjernsynikkut aallakaatitanik isiginnaarniartarneq radiolu atorlugu angalasunik kiffartuussisut naalaarniartarneranni, avataaniit akornusersuutaasartut Kalaallit Nunaanni radioqarneq fjernsyneqarnerlu pillugit 29. november 1978-ernisamik inatsisiliakkut (piginnaatitsinermik inatsit) allanngortitaasimanngillat.

Danmarkimi tamanna immikkut inatsisiliuunneqarsimagaluarpoq (inatsimmik nalunaarut nr. 528 17. oktober 1978-ernisaq) Kalaallit Nunaannullu atuuttussaataaangitsumik.

Suliassaq una piginaatitsinikkut inatsisiliorsinaatitaasimanermut attuumassuteqarpiarsorinangikkaluartoq taamaattussaasorinarpoq pingaartumik inoqarfiit avatangiisigisaanni pissutsit eqqarsaatigalugit.

Suliassarlu taannarpiaq Namminersornerullutik Oqartussat Naalagaafiullu isumaqatigiissutigisimavaat Namminersornerulernissamik inatsimmi § 4 uppersaasiullugu Namminersornerullutik Oqartussat ingerlatilissagaat.

Suliassaq taannarpiaq ullumimut GTO-p ingerlatarisimavaa kaajallaasitaliortarnermigullu aalajangersaaffigisarlugi.

Maannali pisariaqarluinnalersimavoq radiomik naalaarniartarnerup avataaniit akornusersugaasernerata qanoq iliuseqarfigisariaqalernissaa.

Suliassaq teknikkimut attuumassutilerujussuummat qanoq iliuseqartariaqarnissat aamma teknikkut ineriartorneq, angusarissaariartorneq, peqatigalugu allanngorartitaasariaqarput.

Siunnersuummi aalajangersarniarneqarpoq Naalakkersuisut piginnaatinneqassasut nalinginnaasunik aalajangersagaliormikkut apparatit iluaqusersuutillu allat elektricitetmik ingerlateqartut radiomik naalaarniarnermut akornutaatinnaveersaarnissaannut, taakkununga aamma ilaallutik motorit elektricitet atorlugu aallartittaatillit.

Missingersuummi amma tunngavissinniarnearput iluaqusersuutit apparatillu akornusersuisinnaasut piginerat sutigut inassuteqarfigineqarsinnaanersoq aammalu piginissaat sutigut inerteqqutigineqarsinnaanersoq kiisalu aalajangersagaqarluni tamakku Kalaallit Nunaanni atugassatut tikisinneqarsinnaanersut, nioqqutigineqarsinnaanersut atorineqarsinnaanersullu.

Radiomik naalaarniartarnerup akornusersugaasarnernanut aalajangersakkani makku pineqarput:

- Illumi pisariaqartitatut ulluinnarni atugassiat elektricitetortut, sakkuutit angallattakkat kiisalu apparatit allat elektricitetortut radiomik naalaarniarnermut akornutaasinnaasut atorneqarnerminni imaluunniit atorneqaleqqaarnerminni, soorlu assersuutigalugit allaffimmi maskinat, filmertitsissutit, lysbilledapparatit, oqaluttartut, apparatit nappaatinut akiuussutaasinnaasut elektronikkusut, thyristorregulatorit, aningaasanik nakkartitsiinnarluni pisiniartarfiit allallu apparatit aliikkutassiat batteritortuunngitsut.

- Qulliit lysruḡinik taaneqartartut toorsinerinnakkut ikigatik immikkut ikikkiartortaatillit.

- Radiot fjernsynillu.

- Qamutit motorillit aallartittaataat.

- Kiisalu atortorissaarutit allat mikroprocessorinik, digitalt kredsluḡbinik, oscillatorinik allanillu taamaaqataannik atortuuteqartut. Atortorissaarutit makkuupput soorlu assersuutigalugit computerit, dataterminalit, datamodemit, pinnguaatit elektronikkusut, igaffimmi atortuutit microprocessorertallit allallu taamaaqataat.

Inatsimmi aamma maleruaqqusaqarpoq ataatsimoorussaminnik anteneqaqatigiissut imminnut akornusersuutinnginnissaat, takuuk inatsisissatut siunnersuummut oqaaseqaatigineqartuni § 11.

-

Inatsisartut inatsisaattut siunnersuutip aningaasatigut sulisussaqaarnikkullu kingunerisassai.

Inatsisartut inatsisissaata nakkutigineqarnissaanut sinerissami immikkoortoqarfinni pingasuusuni inuit pingasut stujinspektuḡinik taaguuteqartussat atorfinitsitaasariaqassapput, taakkulu aningaasarsiassaat, ingerlatsinissaat, angalasarnissaat il.il. akeqassangatinneqarlutik 1-1,5 mio.kronenik.

Aalajangersakkanut ataasiakkaanut oqaaseqaatit

§§ 1-3-mut.

Aalajangersakkani taakkunani tunngavissinniarnearpoq radiomik naalaarniartarnermut akornusersuutaasinnaasut akiorniarlugit tamaginnut atuuttussanik maleruagassiortarnissaq. § 1, imm. 1 naapertorlugu

maleruagassiornikkut apparatit iluaqusersuutillu allat tikisinneqarsinnaajunnaassapput, sananeqarsinnaajunnaassapput imaluunniit atugassiissutigineqarsinnaajunnaassallutik maleruaqqusani piumasarisasaasunut naleqqutinngippata. Atortuutilli maannamut pigineqareersut aammalu akornusersuutaasutut oqaatigineqarsinnaasorinanngitsut pigiinnarneqarsinnaassapput. Taamaattuni akornusersuisoqartillugu iluarsaasisarnissamik § 2-mi aalajangersakkat atuuttassapput. Kisianni § 1, imm. 4 malillugu bilit qamutillu allat motorillit tamaginnut atuuttussamik aalajangersakkat maleqqissaassavaat, taamaattumik tamakkununga tunngasuni § 2-mi aalajangersakkat atoriarneqarsinnaanngillat.

§ 1, imm. 2 aalajangersakkanut ilanngunneqarmat pissutaavoq iluaqusersuutit apparatillu nalinginnaasumik aalajangersakkanut atasutut oqaatigineqarsinnaanngitsut immikkut ittumik piunasaqarfigineqarsinnaanissaat tunngavissaqaqqullugu, tamakkuusinnaappullu ilisimatuut misissuinerminni iluaqusersuutigisartagaat.

§ 4-mut.

Radiop maligaasaanik tigooqqaativiit qanittuini tigooqqaatit ilaatigut pisariaqarsinnaapput immikkut aqqissuussivigissallugit, akornusersuisooqqunagit nalinginnaasumik aalajangersakkat malillugit naalaaruteqarsinnaatitaasunut.

Tamakku immikkut killiliinerit tunngavissaqarput Naalagaaffimmi inatsisip tunngaviusup §-iisa 73-ianni paasisariaqartumik naalagaaffiup pigisanik "arsaarinnissinnaaneramik", tamannali taamaallaat pisinnaavoq pigisanik naalagaaffimmut kommunemulluunniit tunniussisarnissamik inatsit malillugu aammalu taarsiissutitaqartumik.

Kalaallit Nunaanni pissusiusartut naapertorlugit piginnittussaassusermik oqartarnermi eqqarsaatigineqaannartarpoq illuutigisaq, inuimmi piginnaatitaanngillat nunamik pigisaqarnissaminnut, aammalu imaaliinnarlutik illumik qanittuini piliorsinnaatitaanatik aammalu nunap ilaa nunaannaagaluartoq pigisavimmittut iliuuseqarfigisinnaanagu. Atuisinnaatitaanermik killiliinerit taamaakkamik inunnit imaaliinnarlugit periarneqarsinnaanngillat, pisariaqarlunilu tamakku tungaasigut nunaminernik atuinissamut oqartussaaitat kalluutitinneqarnissaat.

§ 5-imut.

Apparatit iluaqusersuutillu allat aningaasartuutigineri piginnittuusup isumagisassarai, apeqqutaatinnagu radiomik naalaarniarnermut akornutaanersut akornutaannginnersulluunniit; tulluaanassaarli iluaqusersuummik akornusersuisumik piginnittoq (atuisoq) piunasaqaateqarfigitinnagu akornusersugaasup iluaqusersuutigisinnaasai naammassiniartissallugit.

§ 6-imut.

Nalinginnaasuvoq apparatinik iluaqusersuutinilluunniit elektricitetitortunik ajortoqartillugu akornusersuisuutillugilluunniit qanoq iliuitsinut piginnittusoq aningaasartuuteqartarluni.

Pissutsinili immikkut ittuni pisortat piunasaqarnerat malillugu qanoq iliuseqartariaqarnerni televeŝen akiliussisuusinnaasassaaq Naalakkersuisut aalajangersagaat malillugit, tassa una pigilersimasaq kukkusumik ikkussuunneqarsimappat. Tamatumani erseqqissartariaqarpoq naalaarniarnermik akornusiitsaaliiniarneq ilaatigut akisuukasiusinnaasarmat.

§ 7-imut.

Oqaaseqaatissaqanngilaq.

§§ 8-10-mut.

Tassani aalajangersakkat taakkuupput nalinginnaasumik iliuseqarnissanut akuersissuteqartarnissanullu tunnganerusut.

Aalajangersakkat Danmarkimi atuuttut akornutissaqanngitsumik Kalaallit Nunaanni aamma atuutitilerneqarsinnaapput. Typet atugaasut sorliunissaannik akuersissuteqartarnissamut aningaasartuutissat killilersimaarniarlugit tulluaannassaaq inatsit pillugu nalunaarusiassami erseqqissassallugu apparatit iluaqusersuutillu allat Danmarkimi akuerisaasimasut aamma Kalaallit Nunaanni atugaanissaat akuerisaasoq, taamaaliornikkut suliassersuutaavallaassanngimmata nunanit allaniit tikiŝinniakkat imaluunniit Danmarkimi atorneqarsinnaasutut akuerisaasimanngitsut pisortatigoortumik sulissutiginiarneqarneri.

§ 11-mut.

Kalaallit Nunaanni radio fjernsynilu pillugit 29. november 1978-ernisamik inatsimmi nr. 583 § 1, imm. 2., pkt. 2-mi allassimavoq inatsimmik unioqqutitsinertut isigineqanngitsumik inuit arlallit ataatsimoorussassaminnik anteneqarfiliorsinnaasut. Taamaaliornissarlu pisariaqarsorinarani teknikimut tunngasutigut ingerlanneqarnissanullu maleruagassiuunnissaanik.

Namminersornerullutik Oqartussat Naalagaaffiullu isumaqatigiissutigaat suliassaq tamanna immikkukajaaq ittoq Namminersornerullutik Oqartussat isumagisarilissagaat namminersornerulernissamik inatsimmi § 4 tunngavigalugu.

§ 12-imut.

Suliassaq taannarpiaq maannamut Grønlands Televeṣenip ingerlataraa immikkut inatsimmik tunngaveqarani.

Aalajangersagaasarumaartullu tamaginnut atuuttussat matuma kingorna naatsorsuutigineqassapput Namminersornerullutik Oqartussat nalunaarusiarisassagaat; ukuli ulluinnarni pisortaaffiginninnermi suliassat Grønlands Televeṣenip aqussagai.

Innuttaasut televeṣenip aalajangiinerinut akerliugunik Naalakkersuisut orulluvigisassaraat.

§ 13-imut.

Inatsisaaliaasarsimasuni pioreersuni Hujesteretip aalajangiisimanagera malillugu akiliisitsissutissat taamaaqataallu piginneqatigiinnut tunngasut kommunenut aamma atuutitinneqarsinnaanngillat. Taamaattumik pineqaatissiisinnaanermik aalajangersakkani ukunani ersersinniarneqarsimavoq aamma pineqarmata peqatigiiffiit, kommunet kiisalu kommunet peqatigiiffii.

§ 14-imut.

Radiokkut aallakaatitsisinnaaneq pillugu 6. april 1976-ernisamik inatsisiliamik nalunaarut nr. 210 suli naalagaaffeqatigiinnermi inatsisaavoq, naak 19. december 1986-ernisamik inatsisiliakkut nr. 933-kkut Namminersornerullutik Oqartussat assigiinngitsutigut akuersissuteqarsinnaatitaaleruuartut; tamannalu pissutigerpiarlugu inatsit taanna malillugu radiokkut aallakaatitsiviliornissanik Inatsisartut inatsisiliorsinnaatitaanngillat.